

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA
STRUČNA SLUŽBA



01/a-50-1
28-08-2012
Bosnia and Herzegovina
FEDERATION OF BOSNIA AND HERZEGOVINA
ZENICA-DOBOJ CANTON
GOVERNMENT

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Broj: 02-1-25-16725-2/12.
Zenica, 24.08.2012. godine

PRIMLJENO:	28-08-2012		
Organizaciona jedinica	Klasifikaciona oznaka	Redni broj	Broj priloga
01-50-13-957/12			

uzak. 01-50-1-15-32/12

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
N/R PREDSJEDAVALAČEĆEG

PREDMET: Odgovor na poslaničku inicijativu, dostavlja se

U skladu sa odredbama člana 155. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj: 33/06, 41/06, 81/06, 91/06-isp., 91/07 i 87/09) i Vašim aktom broj: 01/a-50-1-15-32/12 od 24.07.2012. godine, u prilogu Vam dostavljamo odgovor resornog ministarstava ovog Kantona na poslaničku inicijativu poslanika Adnana Bašića u vezi sa realizacijom projekta izgradnje banje u Tičićima, općina Kakanj, upućenu na 32. sjednici Predstavničkog doma Parlamentarne skupštine Bosne i Hercegovine. U transkriptu koji je u prilogu Vašeg gore navedenog akta, poslanik Adnan Bašić ističe da nije dobio odgovor Vlade Zeničko-dobojskog kantona na njegovo poslaničko pitanje.

Napominjemo da samo na Vaš akt, broj: 01/a-50-1-15-26/12 od 23.04.2012. godine u formi poslaničkog pitanja poslanika Adnana Bašić dostavili odgovor na isto, što činimo ponovo.

S poštovanjem,

Prilog:

- Odgovor na poslaničku inicijativu, broj: 05-25-16725-1/12 od 17.08.2012. godine
- Odgovor na poslaničko pitanje broj: 05-34-9915-2/12 od 19.07.2012. godine sa priložima

Dostavljeno:

1x Naslovu,
1x a/a



SEKRETAR

Berjana Aćkar



V L A D A
Zeničko-dobojskog kantona

n/r Premijera

n/r Sekretara

Zenica, 17.08.2012. godine

Vaš znak: 02-1-9915-1/12

Naš znak: 05-25-16725-1/12

Predmet: Odgovor na poslaničku inicijativu – dostavlja se

U vezi sa Vašim aktom broj: 02-1-9915-1/12 od 10.07.2012. godine, ovo Ministarstvo je aktom broj: 05-34-9915-2/12 od 19.07.2012. godine dostavilo Vladi Zeničko-dobojskog kantona odgovor na poslaničko pitanje poslanika Predstavničkog doma Parlamentarne skupštine BiH, Adnana Bašića, koji su zajednički sačinili Ministarstvo za privredu i Ministarstvo za poljoprivredu, šumarstvo i vodoprivredu.

Predstavnički dom Parlamentarne skupštine BiH je aktom broj: 01/a-50-1-15-32/12 od 24.07.2012. godine, dostavio poslaničku inicijativu poslanika Adnana Bašića, upućenu Vladi Zeničko-dobojskog kantona, da se ozbiljno započne sa realizacijom projekta izgradnje Banje u Tičićima ili nekog drugog vida eksploatacije tople vode, sa transkriptom koji se odnosi na ovu inicijativu. U dostavljenom transkriptu poslanik Adnan Bašić je naveo da Vlada Zeničko-dobojskog kantona nije odgovorila na postavljeno poslaničko pitanje, te je ponovo postavio pitanje i zatražio da se u pisanoj formi dostavi odgovor na inicijativu za realizaciju projekta izgradnje Banje u Tičićima.

U vezi sa odgovorom na poslaničko pitanje, dostavljenim Vladi Zeničko-dobojskog kantona aktom ovog Ministarstva broj: 05-34-9915-2/12 od 19.07.2012. godine, a s obzirom da su se u međuvremenu desile određene aktivnosti u vezi sa predmetnom inicijativom, poslaniku Adnanu Bašiću treba dostaviti odgovor slijedećeg sadržaja:

„Dana 01.08.2012. godine u kabinetu Načelnika općine Kakanj obavljen je razgovor na temu mogućnosti iskorištavanja termomineralnih voda „Tičići“, općina Kakanj i iznalaženja potencijalne lokacije za izgradnju objekata za te namjene. Razgovoru su prisustvovali Džemil Ugarak – ministar Ministarstva za privredu ZE – DO kantona sa svojim pomoćnicima Amir Abazović i Osman Buza, te Senada Dizdar - pomoćnik ministra za vodoprivredu i šumarstvo ZE-DO kantona, Mensur Jašarspahić - Suri - Načelnik općine Kakanj sa svojim saradnicima : Mirha Kulović, Enver Kusić i Fadil Merdić.

Zaključeno je na ovom sastanku da se formira mješovita Komisija od predstavnika općine Kakanj, Ministarstva za privredu i Ministarstva za poljoprivredu, šumarstvo i vodoprivredu ZE- DO kantona. Dana 02.08.2012. godine formirana je Komisija, čiji zadatak je da obiđe širi lokalitet sela zv. Bosna, MZ Modrinje, općina Kakanj, utvrdi činjenično stanje na terenu, odredi potencijalnu lokaciju za izgradnju objekata i iskorištavanje termomineralnih voda „Tičići“, pripremi geodetsku podlogu sa granicom obuhvata lokacije, površine i spisak vlasnika parcela, a nakon toga da sačini Informaciju i da svoje mišljenje o lokaciji i slijed narednih aktivnosti.

Imenovana Komisija je dana 09.08.2012. godine izašla na lice mjesta sela Bosna u MZ Modrinje i obišla širi lokalitet iznad sela Bosna. Mišljenje Komisije je da je predmetna lokacija po prirodnim karakteristikama pogodna za izgradnju banjsko-rekreacionog centra, odnosno objekata koji su navedeni u Studiji o istraživanjima termalnih, mineralnih i termomineralnih voda na području općine Kakanj, izrađenoj od strane Instituta za geologiju građevinskog fakulteta u Sarajevu, novembra 2004. godine.

Komisija je konstatovala da je konfiguracija terena jako povoljna za ove namjene. Iznad ovog lokaliteta je izvor pitke vode koji i u ovom sušnom periodu ima dobar protok, odnosno kapacitet. Lokacija ima zadovoljavajuću površinu pogodnog zemljišta. Mogući prilaz ovom lokalitetu je iz Bilješeva, kroz Modrinje (lokalni put), iz pravca Dumanca i Rošćevine, selo Bosna (lokalni put) i treća najpovoljnija, ali zasigurno najskuplja varijanta je izgradnja mosta preko rijeke Bosne u pravcu sela Bosna. Iskorištavanje termomineralnih voda „Tičići“ je moguće transportovanjem vode sa bušotina T1 i T2 (navedene u Studiji). Postoji mogućnost da se izvedu probno-eksploatacione bušotine na predmetnoj lokaciji, s obzirom na postojeće geološke podloge. Komisija je na terenu odredila širi obuhvat lokacije, čija površina obuhvata iznosi 405.323 m².

Prema Prostornom planu općine Kakanj 2010.-2030., kompletan predmetni lokalitet se nalazi u zoni „Planirane površinske eksploatacije“, od koje je jedan mali dio urbano područje (uglavnom postojeće selo), a veći dio šuma i agrozona.

Komisija je predložila da se obavi razgovor sa Federalnim ministarstvom energije, rudarstva i industrije i J.P. „Elektroprivreda BiH“ d.d. Sarajevo, ZD RMU Kakanj, vezano za njihove planove u narednom periodu na ovom lokalitetu i ukoliko odustanu od ove lokacije, moglo bi se pristupiti daljim koracima, a to su:

- Izmjena Prostornog plana općine Kakanj 2010.-2030. u dijelu koji tretira predmetni lokalitet,
- Izrada Regulacionog plana za predmetni lokalitet sa svim fazama (Odluka o pristupanju, izrada Nacrta plana, javna rasprava, izrada Prijedloga plana, te usvajanje od strane OV Kakanj),
- Nakon provođenja navedenih aktivnosti, Komisija će nastaviti rad na definiranju narednih aktivnosti.

Molimo Vas da predmetni odgovor dostavite poslaniku Predstavničkog doma Parlamentarne skupštine BiH, Adnanu Bašiću, kao dopunu odgovora dostavljenog uz akt ovog Ministarstva broj: 05-34-9915-2/12 od 19.07.2012. godine.

S poštovanjem,



Dostavljeno:

• 1 x Naslovu,

1 x Ministarstvo za privredu Zeničko-dobojskog kantona,

1 x a/a.



MINISTAR


Bojan Bošnjak



Bosna i Hercegovina, Zenica, Kučukovići br. 2
Telefon: 032/200 – 460 i 200 – 470; Fax: 032/245 – 594
e-mail: minpolj@bih.net.ba
www.zdk.ba



Broj: 02-1-25-9915-2/12.
Zenica, 23.07.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
N/R PREDSEDAVAJUĆEG

PREDMET: Odgovor na poslaničko pitanje, dostavlja se

U skladu sa odredbama člana 155. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj: 33/06, 41/06, 81/06, 91/06-isp., 91/07 i 87/09) i Vašim aktom broj: 01/a-50-1-15-26/12, u prilogu Vam dostvaljamo odgovor resornih ministarstava ovog Kantona na poslaničko pitanje poslanika Adnana Bašića koje glasi: "Zašto je banja Tičići još uvijek pilot projekat?", postavljeno na 26. sjednici Predstavničkog doma Parlamentarne skupštine Bosne i Hercegovine

S poštovanjem,

Prilog:
- kao u tekstu

Dostavljeno:
1x Naslovu,
1x a/a

SEKRETAR

Berjana Ačkar

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU



Bosnia and Herzegovina
Federation of Bosnia i Herzegovina
ZENICA-DOBOJ CANTON
MINISTRY OF AGRICULTURE,
FORESTRY AND WATER MANAGEMENT

V L A D A
Zeničko-dobojskog kantona

n/r Premijera

n/r Sekretara

Zenica, 19.07.2012. godine

Vaš znak: 02-1-9915-1/12

Naš znak: 05-34-9915-2/12

Predmet: Odgovor na poslaničko pitanje – dostavlja se

Vašim aktom broj: 02-1-9915-1/12 od 10.07.2012. godine dostavili ste Ministarstvu za privredu i Ministarstvu za poljoprivredu, šumarstvo i vodoprivredu poslaničko pitanje poslanika Predstavničkog doma Parlamentarne skupštine, Adnana Bašića, koje je postavio Vladi Federacije BiH i Vladi Zeničko-dobojskog kantona, a glasi: „Zašto je banja Tičići još uvijek pilot projekat?“.

Ministarstvo za poljoprivredu, šumarstvo i vodoprivredu i Ministarstvo za privredu su zajednički razmotrili navedeno poslaničko pitanje, te Vam u prilogu dostavljamo odgovor u kojem su sadržane aktivnosti ova dva ministarstva po navedenom pitanju.

S poštovanjem,

Handwritten initials

Dostavljeno:
1 x Naslovu,
1 x a/a.



MINISTAR

Bojan Bošnjak
Bojan Bošnjak



„Studija o mogućnosti korištenja termalnih, mineralnih i termomineralnih voda na području općine Kakanj“, izrađena od strane Instituta za geologiju Građevinskog fakulteta u Sarajevu, novembra 2004. godine, utvrdila je mogućnost višenamjenskog iskorištavanja termalne vode u Tičićima na konceptu izgradnje sportsko-rekreacionog kompleksa u Bilješevu, sa pratećim uslužnim objektom i proizvodnjom zdrave hrane. Studijom je predviđeno da kompleks bude ukomponiran u trasu autoputa koridora V_c. Nosilac izrade Studije bilo je Ministarstvo za poljoprivredu, šumarstvo i vodoprivredu Zeničko-dobojskog kantona, shodno Odluci Vlade Kantona broj: 02-25-21646/02 od 27.09.2002. godine, o odobravanju izrade Studije, koja je imala zadatak da prikupi, slectira i reinterpretira sve postojeće geološke, geofizičke, neotektonske, seizmološke, geotehničke i hidrogeološke podatke, sa ciljem da odgovori na pitanje kvaliteta i kvantiteta termalne i termomineralne vode na području općine Kakanj, primjerenije sa aspekta prostora i ekonomske opravdanosti.

Po završetaku izrade Studije, u organizaciji Ministarstva za poljoprivredu, šumarstvo i vodoprivredu izvršena je prezentacija iste u sjedištu Kantona dana 29.11.2004. godine, uz prisustvo predstavnika općine Kakanj, a zatim još jedna prezentacija za 100 najuspješnijih privrednika sa područja Kantona. Na zahtjev općine Kakanj Studija je prezentirana vijećnicima Općinskog Vijeća općine Kakanj dana 01.04.2005. godine.

Studija je dala preporuke za prostornu organizaciju, i to:

- Donijeti Odluku o zaštiti područja planiranog za izgradnju centra za rekreaciju, sport i proizvodnju hrane u Bilješevu („rezervacija prostora“), bazirano na korištenju termalne vode u Tičićima;
- Izraditi Idejno rješenje regionalne saobraćajnice na pravcu Kakanj-Bilješevo-Lašva;
- Izraditi Regulacioni plan, kao osnovni zakonski dokument za zaštitu i prostorni razvoj planiranog Centra;
- Poduzeti aktivnosti kod državnog Ministarstva za promet i komunikacije, radi uključivanja regionalnog puta Kakanj-Bilješevo-Lašva i Centra za rekreaciju, sport i proizvodnju hrane u Bilješevu u projektnu dokumentaciju za autoput na koridoru V_c.

Kada je u pitanju provođenje navedenih aktivnosti prema Studiji, Vijeće općine Kakanj donijelo je *Odluku o pristupanju izradi Plana posebnog područja termomineralnih voda „Tičići“* („Službene novine općine Kakanj“, broj: 21/05). Odlukom je utvrđeno da je nosilac pripreme za izradu plana općina Kakanj i utvrđen je rok od 6 mjeseci od dana usvajanja ove odluke za izradu Plana posebnog područja. Istom odlukom takođe je u području obuhvata izrade plana privremeno zabranjena gradnja objekata. Na ovaj način predmetno područje stavljeno je pod zaštitu privremenom zabranom gradnje, ali je za nastavak daljih aktivnosti izrada regulacionog plana trebala biti prva naredna aktivnost definiranja namjene zemljišta koje je predmet obuhvata. Regulacioni plan je osnovni dokument bez kojeg nije moguće pristupiti narednim fazama realizacije, odnosno izradi Idejnih rješenja kapaciteta u cilju provjere procijenjenih investicija na datom tehničkom nivou razrade, izradi Studije izvodljivosti, koja treba pružiti odgovor o konačnim sadržajima datog prostora i etapnosti izgradnje uz optimizaciju ekonomskih parametara, i najzad, izradi Glavnog (Izvedbenog) projekta sa decidiranim finansiranjem izgradnje potrebnih sadržaja na bazi korištenja termomineralnih voda, odnosno aktivnosti na privođenju resursa namjeni definiranoj Studijom.

Obaveza izrade regulacionog plana kao osnovnog dokumenta za zaštitu i prostorni razvoj je prema navedenoj Odluci obaveza općine Kakanj, u skladu sa članom 38. stav 2.

Zakona o prostornom uređenju („Službene novine Zeničko-dobojskog kantona“, broj: 2/04), kojim je utvrđeno da se sredstva za pripremu, izradu i donošenje dokumenata prostornog uređenja za koje je nadležna općina osiguravaju iz budžeta općine.

Na osnovu navedenog proizilazi da je općina Kakanj bila u obavezi provođenja zadataka iz Odluke o pristupanju izradi Plana posebnog područja termomineralnih voda „Tičići“, kao osnove za sve naredne aktivnosti, uključujući pitanja korištenja zemljišta na tom području i privođenja istog utvrđenoj namjeni, kao i pitanja rješavanja saobraćajnica na području obuhvata regulacionog plana.

Kako općina Kakanj nije osigurala sredstva za izradu regulacionog plana, tako su dalje aktivnosti na stvaranju pretpostavki za realizaciju Studije dovedene u pitanje, posebno iz razloga što su se u međuvremenu okolnosti na terenu vezane za izgradnju autoputa značajno izmijenile na predmetnom lokalitetu.

U vezi sa ostalim preporukama datim u Studiji, koje se odnose na prostornu organizaciju vezano za izgradnju dionice autoputa na tom području, ovo Ministarstvo je aktom broj: 05/07-25-22100-2/04 od 09.11.2004. godine pokrenulo inicijativu putem resornog Ministarstva za prostorno uređenje, promet i komunikacije i zaštitu okoline Zeničko-dobojskog kantona za pokretanje zahtjeva državnom Ministarstvu nadležnom za poslove izgradnje koridora V_c, da u fazi izrade projekta autoputa u naselju Bilješevo predvidi izgradnju petlje koja bi bila direktno u funkciji korištenja predmetnog kompleksa predviđenog Studijom, s obzirom da su naredne aktivnosti u vezi sa korištenjem termomineralnih voda izvorišta Tičići bile u bitnoj zavisnosti od ovog pitanja. Ovo se takođe odnosilo i na izradu idejnog rješenja regionalne saobraćajnice Kakanj-Bilješevo-Lašva. Budući da nikada nismo dobili povratnu informaciju, upitno je da li je ova inicijativa uopšte razmatrana.

Dana 01.09.2011. godine u organizaciji Ministarstva za privredu navedenu lokaciju su posjetili stručnjaci iz Mađarske, koji su iskazali interes za investiranje u smislu korištenja banja Tičići, ali je tom prilikom ponovo konstatovano da je prethodno potrebno riješiti pitanje lokacije. Slijedom toga, Ministarstvo za privredu je dopisom broj: 04-18-21665-1/11 od 30.09.2011. godine, kojeg dostavljamo u prilogu, pokrenulo inicijativu Načelniku općine Kakanj za nastavak realizacije korištenja termalnih voda sa izvorišta Tičića na alternativnoj lokaciji u selu Bosna, na koju nikada nije odgovoreno.

Na kraju napominjemo da je Ministarstvo za poljoprivredu, šumarstvo i vodoprivredu dopisom broj: 05-25-22100-6/04 od 08.06.2012. godine, kojeg dostavljamo u prilogu, s obzirom na trenutno stanje na lokalitetu Bilješeva, te imajući u vidu činjenicu da prema prijedlogu novog Zakona o koncesijama, usvojenom od strane Predstavničkog doma Parlamenta Federacije BiH, nadležnost za dodjelu koncesija za korištenje termalnih voda prelazi sa kantonalnog na federalni nivo, predmetnu Studiju zajedno sa kompletnom dokumentacijom koja se odnosi na banju Tičići, dostavilo općini Kakanj na čuvanje i dalju upotrebu, izražavajući nadu da će se u dogledno vrijeme ovaj značajni resurs dovesti u funkciju na najbolji mogući način.

Ministarstvo za privredu

MINISTAR

Đemil Ugarak

**Ministarstvo za poljoprivredu,
šumarstvo i vodoprivredu**

MINISTAR

Bojan Bošnjak



**OPĆINSKI NAČELNIK
KAKANJ**

Zenica, 30.09.2011. god.

Vaš znak:

Naš znak: 04-18-21665-1/11

**PREDMET: DOSTAVA INICIJATIVE ZA SAGLEDAVANJE MOGUĆNOSTI REALIZACIJE PROJEKTA
"BANJSKO-LJEČILIŠNI I REKREACIONI CENTAR - BOSNA"-SELO BOSNA, KAKANJ**

Poštovani Načelnice,

U prilogu akta dostavljamo Vam inicijativu za realizaciju projekta "BANJSKO-LJEČILIŠNI I REKREACIONI CENTAR - BOSNA"-SELO BOSNA, KAKANJ.

Podsjećamo da je „STUDIJOM O ISTRAŽIVANJIMA TERMALNIH, MINERALNIH I TERMOMINERALNIH VODA NA PODRUČJU OPĆINE KAKANJ“ (decembar 2004.god.), bilo predviđeno da se termomineralni potencijal vode sa lokaliteta selo Tičići, transportuje na lokalitet selo Bilješevo, gdje je planirana gradnja centra za rekreaciju, sport i proizvodnju hrane u sklopu odmorišta na koridoru 5c.

Nažalost, izgradnjom odmorišta kod Termoelektrane Kakanj, ova poslovna ideja je trajno izgubljena.

Pomenutom studijom je predviđena alternativna lokacija lječilišnog centra u s.Krkeljaši, u zahvatu starog puta Kakanj-Zenica (cca 1.700 m od koridora 5c iz sela Modrinje).

Nažalost, projekcijom eksploatacije uglja na ležištu „Repovački potok“, odnosno, projekcijom odlagališta na lokalitetu sela Krkeljaši i ova poslovna ideja je trajno izgubljena.

Imajući u vidu prethodno, a obzirom na nesaglediv potencijal termomineralnog resursa izvorišta Tičići, uposlenici Ministarstva za privredu i članovi Komisije za određivanje obuhvata Regulacionog plana banje „Tičići“ (određivanje lokacije za izgradnju objekata), Amir Abazović i Osman Buza dana 29.09.2011.god. izvršili su opservaciju sela Bosna. Tom prilikom konstatovano je da lokalitet posjeduje prostorne karakteristike koje mogu odgovarati namjeni korištenja termomineralnog resursa sa izvorišta Tičići a za što je potrebna stručna opservacija i analiza.

Na ovaj način pokrećemo inicijativu da ranije imenovana Komisija izvrši uvid u pomenutu lokaciju i nastavak eventualne realizacije korištenja termomineralnog resursa sa izvorišta Tičići.

Očekujemo da nakon pokrenutih aktivnosti, izvijestite Ministarstvo za privredu o sudbini ove inicijative.

U prilogu ovog akta dostavljamo Vam:

- SITUACIJU "BANJSKO-LJEČILIŠNI I REKREACIONI CENTAR - BOSNA"- SELO BOSNA, KAKANJ
- Informaciju o eventualnim mađarskim investitorima
- CD sa fotografijama prostora sela Bosna

S poštovanjem,

DOSTAVLJENO:
1 x Općina Kakanj
1 x a/a

MINISTAR

dr sci. Jusuf Duraković





Općina Kakanj

n/r Načelnika

Zenica, 08.06.2012. godine

Vaš znak:

Naš znak: 05-25-22100-6/04

Predmet: Studija o mogućnosti korištenja termalnih, mineralnih i termomineralnih voda na području općine Kakanj, dokumentacija, dostavlja se

Kao što Vam je poznato ovo Ministarstvo bilo je nosilac izrade Studije o mogućnosti korištenja termalnih, mineralnih i termomineralnih voda na području općine Kakanj, izrađene od strane Instituta za geologiju, Sarajevo, decembra 2004. godine. Vezano za provođenje daljih aktivnosti na realizaciji koncepta Studije o mogućnosti korištenja termalnih, mineralnih i termomineralnih voda na području općine Kakanj, Vašim dopisom obavijestili ste nas da je općinsko Vijeće donijelo Odluku o pristupanju izradi Plan posebnog područja termomineralnih voda „Tičići“, broj: 0-01/1-92/05 od 01.04.2005. godine, koja je objavljena u „Službenim novinama općine Kakanj“, broj: 1/05, od 29.04.2005. godine. Naponi ovog Ministarstva da se predmetni projekat realizira ostali su bezuspješni, iz razloga što navedena Odluka nije nikada realizirana. Kako su u se u međuvremenu okolnosti vezane za izgradnju autoputa značajno izmijenile, postavlja se pitanje ostvarljivosti koncepta iz navedene Studije.

Kako je ovom Ministarstvu u postupku pripremnih aktivnosti za izradu Studije dostavljena određena dokumentacija od strane Ministarstva za privredu, cijenimo da navedena dokumentacija treba da se čuva u općini Kakanj. Ovo iz razloga što novim Zakonom o koncesijama dodjela koncesija za termalne vode nije više u nadležnosti Kantona. Iz navedenih razloga, u prilogu Vam dostavljamo jedan primjerak Studije i sažetak studije (po jedan primjerak na bosanskom i engleskom jeziku) i 1 primjerak Studije na CD-u, kao i slijedeću dokumentaciju:

1. Kopija Odluke o usvajanju Regulacionog plana banjsko-lječilišnog i rekreacionog centra „Tičići“, br. 01/1-364-24/89 od 30.05.1989. godine („Službeni glasnik opštine Kakanj“, br. 6/89);
2. Kopija izvještaja o pregledu Elaborata o rezervama mineralnih sirovina, od 13.07.1987. godine, br. 06-310-434/86 od 24.09.1986. godine, izdato od Republičkog komiteta za energetiku i industriju;
3. Kopija utvrđivanja općeg interesa za nepokretnosti,
4. Kopija rješenja (potvrđuju se geološke rezerve i kvalitet termo-mineralnih voda „Tičići“ kod Kakanja),
5. Kopija balneološke karakteristike novootkrivenih voda,
6. Tekstualni dio Regulacionog plana banjsko-lječilišni i rekreacioni centar „Tičići“,
7. Grafički dio Regulacionog plana banjsko-lječilišnog i rekreacionog centra „Tičići“ (7 karata),
8. Izvještaj o pregledu elaborata o rezervama mineralnih sirovina od 10.9.1986. godine;
9. Pristupni programski zadaci za izradu arhitektonsko-urbanističkih rješenja i faze izgradnje banjsko-lječilišnog i rekreacionog centra „Tičići“,
10. Mišljenje komisije o otpočinjanju radova na banjsko-lječilišnom i rekreacionom centru „Tičići“, općine Kakanj, od 23.1.1997. godine;

11. Rješenje općine Kakanj o pravu na korištenje termalne vode u naselju Tičići, br. 01/4-413/97 od 28.07.1997. godine;
12. Rješenje Federalnog ministarstva energije, rudarstva i industrije Mostar, br. UP/I br. 07-18-629/99 od 24.12.1999. godine;
13. Rješenje voda Federalnog ministarstva energije, rudarstva i industrije Mostar o potvrđivanju geoloških rezervi i kvaliteta termomineralnih, br. 04-312-3193/97 od 09.09.1997. godine;
- 14.
15. Stručno mišljenje Zavoda za geologiju Sarajevo, od maja 2002. godine;
16. Dopis „Jugoinvest“ Beograd od 12.04.1990. godine sa prilogom (tri kopije prijedloga urbanističkog rješenja kompleksa banje „Tičići“;
17. Hemijske analize voda – termomineralnih i termalnih,
18. Stanje rezervi podzemnih voda,
19. Kvalitet termomineralnih voda u Tičićima,
20. Indikacije termomineralnih voda u Tičićima i
21. Fizičko-hemijske analiza vode.

Izražavamo nadu da će se u dogledno vrijeme ovaj značajni resurs dovesti u funkciju na najbolji mogući način.


S poštovanjem,

Prilog: Kao u tekstu.

Dostavljeno:

1 x Naslovu,

1 x a/a.



U ovlaštenju Premijera

Pomoćnik ministra

Senada Dizdar



Bosna i Hercegovina, Zenica, Kučukovići br. 2
 Telefon: 032/200 – 460 i 200 – 470; Fax: 032/245 – 594
 e-mail: minpolj@bih.net.ba
 www.zdk.ba

11-06-2012